



12. august 2011

UKA 2011/132

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matu-muuna saqqummiupparra:

**Kalaallit Nunaanni nunami tamarmi nunalluunniit ilaani aalajangersimasuni aqqusinikkut angallannerup pisariaqartippagu angallatit motorillit ilusaanik kiisalu atortuinik Kalaallit Nunaanni politimesteri immikkut akuersissuteqarluni piffissamik biilit quaannaveequteqarlutik angallannerannik sivitsuisinnaanissa pillugu Naalagaaffeqatigiinni oqartusanut nalunaarutip atuuttut allangortinnissa pillugu attaveqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Andreas Uldum, Demokraatit)

### **Tunngavilersuut**

Quaannaveeqqutit Kalaallit Nunaanni malittarisassat atuuttut naapertorlugit piffissami 1. majimit 30. septemberip tungaanut atoqqusaaangillat.

Tamanna ukiut ingerlanerini akuttunngitsumik ajornartorsiortitsisarpoq. Piffissami upernaleqqaarfiata nalaani, ukiut tamaasa nikerarsinnaasumi nunatsinni isorartoorsuarmi sumiiffimmiit sumiiffimmut. Ukioq manna maji aallartikatareersoq sumiiffinni amerlasuuni apisarpoq aqquserngillu quatsertarlutik, ilami sumiiffit ilaanni tamakku pippit junip aallartikatareernera tikillugu.

Taamaattumik takusinnaavarput malittarisassat atuuttut nunami maani silap pissusaanut naapertuutinngitsut. Ilungersunartua uaniippoq, innuttaasut inatsisinik malinnittut aqqusinikkut angallannermi allanut ulorianartorsiortitsisarput – tamannalu ukiut ingerlanerini aqqusinerni quassluinnartuni ajutoortarnerpassuit uppernarsarpaat.

Quaannaveeqqutit aqquserngit asfaltianik nungullarsaasarput sakkortuumik aamma biilit benzinarngerannik innarliisarpoq, taamaasilluni CO<sub>2</sub>-mik aniatitsineq annertusisarpoq aamma. Quaannaveeqqutinik piffissap atuiffiusinnaasup sivitsornissaajornartorsiummik aaqqiissutigisallugu taamaattumik naapertuutinngilaq.

Paarlattuanik kissaatiginarpooq, politimesterip aqqusinerni quaannaveeqqutinik atuiffioqqusaasuni immikkut akuersilluni piffissamik sivitsuisalersinnaanissa, nunami tamarmik imaluunniit sumiiffinni aalajangersimasuni, aqqusinikkut angallannerup isumannaatsuunissa pisariaqartineqartillugu.

Taamatut periarfissiinissaq malittarisassani atuuttuni nassaassaanngilaq. Demokraatini taamaattumik, Naalagaaffeqatigiinni oqartussanut immikkut akuersissuteqarsinnaatitaalernissaq pillugu attaveqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut saqqummiupparput.

Siunnersuutip innuttaasunut imaluunniit kalaallit nunaanni oqartussanut aningaasatigut allaffisornikkullu kinguneqarnissa naatsorsuutiginngilarput.

Taamatut oqaaseqarluta qilanaarpugut Naalakkersuisut akissuteqarnissaannut taamatullu partit allat saqqummiussassaannut.